

40. Raucedines & gravedines, in
valde senibus coctionem non ad-
mittere. Galenus in comment, ac-
censet etiam asthma, & alios affectus
à crasso phlegmate oriundos. Exin
cum Patiens noster excesserit annum
70. haud mirandum, etsi per expe-
ctorantia ingens phlegmaticorum
humorum copia rejecta, orthopnæa
tamen non remissor, sed acerbior,
exin arguenda extrema caloris nati-
vi debilitas, nullam debitam conco-
ctionem peragentis, sed optima eti-
am cibaria in excrementitis super-
fluitatis convertentis, hinc recens
morbo suppeditur fomentum. Si-
cūt Ætna mons, in eructando igne

sua habet intervalla: ita orthopnæa
sua phlegmata evomit, prout citius
tardiusvē nova succreverit materia,
ad excretionem stimulans, & sic in
infinitum labor noster inanis foret,
in procurandâ phlegmatis mundifi-
catione, cum indies alia materia ac-
cumulata, affluat. At cum calor na-
turalis concoctionis effector, in tam
senili corpore, valde labefactatus,
in integrum testiui nequeat, nec ex-
crementorum proventus impediti
valeat, nihil amplius spei in humanis
præsidii relictum animadverto,
quin æger brevi à morte abiipien-
dus, cuius jam Nuncii videntur pre-
ficibus p̄astolari, ipsum ayocatui,

CONSULTAT. XI,

*De Affectu sinistri Renis calculoso & Lienis obstructionibus, ad
primarium Medicum cuiusdam Reip. Imperialis, quatuor
Medicorum discrepantes opiniones.*

Quād arduum ac difficile
de morbis abstrusis ac re-
conditis existat judicium,
ipsa Experientia contesta-
tur, dum Medici quantumvis subli-
mi ingenio dotati, acrique judicio
prædicti, de unius ejusdemque ægri
affectibus sepius magis patulis quam
iste, quo Patiens noster affligitur,
sele ostentet morbus, non raro è dia-
metro pugnantes ac discrepantes in
medium adferunt sententias suas
quilibet accommodatis rationibus
suffuleentes ac corroborantes. Quod
& in casu N. contingere assoleret,
Nonnulli Medici morbum in Liens
suam habere residentiam asseverant,
alii Epatis & venarum meseraica-
rum obstructionibus culpam impu-
tant, quidam Reni sinistro omne
vitium assignant. Nostra medica fa-
cultas, non videtur esse Geometria,
quæ firmis ac immotis semperargu-
mentis, sua themata demonstrare
valeat, quin majori ex parte conje-
cturis nitatur sat ambiguis, Dædalo
opus

opus videtur, qui nos ex tam intricato Labyrintho extricare ac expedire sciatur. Pro virili admittar, utrum Gordoniū istum nodum, aliquo modo liceat resolvere. Quod si non fuerit affectus, nec clavum attigerit, ad minus non culpandus, dum tibi experti gratificari, & Patientis desiderio satisfacere, moremque gerere studui. Offertur casus difficilis, an ceps ac varius, ut existimem, non unius fortis symptomatis ægrum nostrum infestari, sed complicatos adesse affectus, & noxam tum in sinistro Rene hætere, tum in Liene conq'uescere. Quoad Renem, si quidem res ita comparata, prout tuis in literis consignatum, quod fuerit urina cruenta & non raro purulenta observata, exin haud levis conjectura, Renem sinistrum (cum eò loci dolor molestus) exulceratum: ubi namque pus, ibi consistit nclus. Dn. Parens tuus in suo scripto mihi ad dijudicandum transmisso, Renem sinistrum calidā affectum intemperie, & ob ejus imbecillitatem, lasciā facultate retentrice, urinam reddi sanguineam & illius substantiam corruptam, nullis istius corruptela causis annexis, quæ singula, proprie temporis angustiam, ad amissim examinare haud licet, paucis saltē attingam. Si genuina causa urinæ cruentæ imbecillitati facultatis, Renis sinistri, retentricis foret assignanda, nullus vel levis tantum dolor concitaretur: ast insignis praesto est. Accedit, quod corpus pridem (cum malum chronicum) contabuisset, atqui æger ~~invaginatus~~ ac robustus permansit, quin & illud suffragatur, quod saepius excernatur urina purulenta. Ergo culpa talis urinæ non erit imputanda imbecillitati Renis retentricis, quin potius exin argendum, exulcerationem alicubi concitatam, cum autem dolor in Rene sinistro haud levem molestiam exhibeat, ergo hic delitescit anguis in herbâ. Utrum autem à calculo, vel falsis acrioribus humoribus erosio vel exulceratio prodierit, haud liquet. Si ab acrimoniâ humorum malum illud exortum, cum per 12. annos durarit, corpus tabe diudum, vel ad minus Ren in carunculas fuisset resolutus. Accedit, quod sponte dū æger quiescit, talis urina non profluat, sed tum demum prodeat, quo cunque modo corpore exagitato. Exin haud levis suspicio emergit seque prodit calculi præsentia, qui sua aspredine venas arrodens ac vellicans, sanguinem elicit. Quod autem Lien non sit immunis ab omni culpâ, ita declarari potest. In eo tempore sentio, D. V. haud rectè statuere, dum Lienem excludit, & omnia symptomata obstructionibus epatis & venarum mesentericarum, assignat. In hoc autem dubito, utrum dolor musculo transverso, cui Lien subtemeretur, & distortio attribuenda, dum flatus

flatus se in illum insinuare soliti. Sed cum referas latus affectum semper contractum & concavum permanisse, per plures annos, exin in eam descendit sententiam, ut statuam, causam primariam non habere in musculo externo, sed contingere in vasis Lieni insertis & membranis vicinis, quae dum repletantur crassis humoribus, secundum latitudinem extenduntur, secundum longitudinem autem abbreviantur, & ita Lien retrahitur & per consensum etiam viciniores annexae partes subsequuntur, ut erectus stare nequeat, haud secus, ac yasa uterina crassis humoribus farcta, uterum distorquent, ad latus dextrum, vel sinistrum, sursum vel deorsum agitantia, pro ratione diversitatis venarum & ligamento rum repletorum. Id luculenter comprobare videtur, quod aliquot annorum spacio, sinistrum hypochondrium perseverat contractum. Ergo non flatulenta, sed corpulenta materia, fixa ac stabilis, crassa ac viscida excrements puituosa, vel melancholica, vera causa reputanda. Idem demonstrare licet, quod reitatis purgantibus, crassis humoribus exterminatis, & venis distentis exoneratis, latus affectum, parti sanæ æquale redditum & planum. Cum igitur ex relatis constet, complicatos affectus praesentes, nunc dispi ciendum, quibus praesidiorum generibus succurrendum. Ren exulceratus requirit modice abstergentia, exiccatia & consolidantia, calculus ad se exigendum, efflagitat attenuantia, Lien cum venis meseraicis ob structus, expostular deopilantia. Cum æger sit opulentus, nec ullis parcere sumptibus constituerit, ad recuperandam valetudinem deper ditam, ne nimis pharmacorum copia ipsi molestiam ac fastidium pariamus, suaderem, ut quamprimum, corpore prius probè evacuato, in acidulas Grisbacenses, ablegaretur, qua cum præ ceteris mineralibus copioso chalybe constent, ad Renem exulceratum emundandum, calcenos, si qui insederint, exturbandos, & interanea viscera omnia ab obstructionibus liberanda ac expedie nda, in primis salutares censem. Fas sit Deus O. M, ut omnia ex yoto succedant.

CONSULTAT. XII.

Pro Virgo literato Primario peregrino, variis symptomatibus subiecto.



Ffectus tuus chronicus diligenter efflagitat causa rum morbificarum disquisitionem, accommodatorum remediorum in vestigio